

華東稀見叢書文獻 第五卷

中國華東文獻叢書

中國華東文獻叢書·第二輯

華東稀見叢書文獻

第五卷

甘肅省古籍文獻整理編譯中心
中國華東文獻叢書編輯委員會 編

甘肅省古籍文獻整理編譯中心重大整理項目

本輯主編：陳長文

本卷目錄

南林叢刊	〔民國〕周延年輯	〇〇三
南林叢刊次集	〔民國〕周延年輯	四一一

【民國】周延年輯

南
林
叢
刊

〔民國〕周延年輯，民國二十五年（一九三六年）南林周氏排印本。

周延年，浙江南林（今湖州）人，民國時期著名學者。該叢書是明、清至民國時期，浙江南林學者詩文雜著匯編。包括正集五種十五卷，一函三冊，長二十二點七釐米，寬十四點七釐米；版框長十五點四釐米，寬十點九釐米。四周單邊，白口，單魚尾。每半頁十五行，行三十字。次集七種十一卷，一函二冊，版框長十五點三釐米，寬十點四釐米。每半頁十四行，行三十字。

南
林
贊
刊

黃孝紓

南林叢刊序

吾友周君子美既謀輯印南林叢刊有年比郵致其目以成書告凡屬爲弁言余讀之慨然有間曩余之有志校刻也以爲叢書之屬一省一郡一邑者其校刻之人必皆爲本省本郡本邑之人於鄉賢著述聞見能詳蒐采易備實較他叢書之苞含廣泛者爲善故於吳興叢書之輯致力尤勤自度一郡著述之有裨誦讀而未行世者可以略備今觀子美之目則余於吾鎮著述已所遺若是向之孳孳於一郡者庸有當乎於是歎爲學之道其分野愈隘則其業愈精叢書之屬於一省者其完備必不及一郡一邑屬於一郡一邑者其完備必不及一鎮一鄉子美爲學博觀而約取旁通而知要昔歲館余嘉業藏書樓獨喜綴拾鄉邦之遺聞嘗鈎稽莊廷鑑史獄始末成莊氏史案考訂正前人記載之誤纒繆數萬言今客授滬上約翰大學猶能於講貫之暇網羅放失成此一書不可謂非有志之士也余憂患疾疢齒髮益衰不可自敦率校刻之業終未能竟其宿志幸子美致力於鄉邦文獻能彌余之缺憾又感爲學之道分野愈隘則業愈精之意而悔余驚博而無所成之病因序以貽之以誌余之耿耿至其



書著錄之嚴編次之愼則子美之學足以副之讀者又自有定論無俟余言爲之先焉丙子清明節吳興劉承幹序於吳門寓廬

南潯鎮志敘

邑之有志猶家之有譜國之有史也皆有義法于其間要惟通人學士爲之而後援引可以資考證記載足以示勸懲詳而不煩簡而不略故能傳世而行遠予自通籍後承乏史館所閱天下誌書不少其見收於四庫館而稱爲名志者自宋以來度不過十數家耳於是又嘆作志之難也自道光戊戌奉命視學浙江試士嘉興得范生來庚拔置古學冠軍其人彬彬儒雅詢之爲文正公二十四世孫幼承庭訓讀書立品性耿介有節慨然予亦第以其舉業文相勉勵未知其有所著述也已而予友沈鼎甫侍郎以生所撰潯志十卷問敘于予予讀之乃知生之搜羅羣籍熟于掌故其存心遠矣至體例精嚴敘次質雅不誠足步武古人之名志乎遂書以爲敘道光辛丑春日桐城姚元之譔

余家洞庭東山與南潯鎮相隔一水數十里耳其地多博雅之士余之師友皆在焉數年來老成彫謝執友淪亡每舟過之不禁山陽聞笛之悲也歲中余謁陳碩士宗伯遇南潯范君小庭詢之則予同門嘗師事馮篋園先生者也君屢以古學爲學使李北溟姚伯昂諸先生所賞識選拔冠軍近又同客吳中昕

夕談藝因以所撰南潯志屬爲之敍披而讀之彬彬乎質有其文蓋表彰潛德皆由君一人用力之精勤而流寓遺賢其又得君之採錄者爲功洵非淺矣憶余自壯歲出遊從學使校文十年凡星軺所至地方邑吏輒以志書呈閱余得以閒暇瀏覽凡直隸浙江安徽三省志書百餘種惟陸稼書之靈壽志章實齋之永清志和州志號爲傑出竊嘗參取其例將以爲吾邑太湖廳志及歸而呼號其衆惘焉莫應遂輟不爲迄今頭顱如許精力就衰更無復斯志矣先正有言君子居其鄉則一鄉之文獻以傳又謂坐觀前哲詩文淪佚是爲忍人信斯言也君能爲之于南潯明乎其邑之多君子也而予以寂寥寡偶竟不能爲之于洞庭徒歎息而爲忍人也其又奚辭君書之成不獨潯邑之文獻藉以不墜庶幾吾鄉後來之秀當亦有聞而興起者乎是爲敍道光二十一年辛丑春日同學弟王鑒拜撰

南潯爲烏程縣之一鎮自秦始二十六年分天下爲三十六郡以烏程隸會稽郡後雖代有沿革而潯邑之屬烏程未之有改其地無崇山列嶂而天目諸山衆流奔赴如百川之歸海者胥經于是帶縈環繞然後東注駕湖北流笠澤而苕水所挾之支流皆安紆而有所匯矣形家言水之所聚卽爲地氣之所鍾宜

其闌闌雲屯烟火數萬家非他邑所可彷彿人文蔚起代有作者顧自宋元以前潯邑之專志無聞惟明潘氏爾夔草創鎮志繼有夏氏光遠陳氏可升張氏鴻寓方氏熊方氏燾董氏肇鏜校錄其約十餘類皆未付梓求其原稿已渺不可得原諸公之意大約精益求精不敢自是僅校正而未刻然自明迄今二百餘年之事蹟遂因以無傳則豈非矜慎之過歟來庚不揣固陋自弱冠以來卽有志于此書以爲吾生旣不能游覽四方求天下之名山大澤以自壯而桑梓之鄉先人釣游之地其風土人物茫焉莫辨不幾于飲水而昧其源數典而忘其祖乎用是旁搜載藉博訪通人雪鈔露纂蓋亦有年積成卷帙其體例略仿永清縣志分爲十門曰方輿曰建置曰食貨曰官師曰典禮俱官斯土者所藉以興利而除弊也曰人物曰選舉又居斯土者所可以觀感而興起也曰祥異曰藝文曰雜著則又好古者之所資以考鏡也竊有鑒于前人志書之散佚不欲使其事之可法可傳與其共見共聞者自茲而淹沒故付之棗梨雖其間或有舛誤要可俟後之改正或有遺漏亦可俟後之增續縱我不能爲之重定而筆路藍縷之創後人猶可據依而潤色之也書旣成爲述其緣起如此且有望于大雅之匡其不逮云爾道光二十年庚子春日里人范來庚耿臣氏識於潯

南林叢刊
溪後樂居之南窗

南潯鎮志卷首

凡例

一潯志創自前明潘氏爾夔繼有夏氏光遠陳氏可升張氏鴻儒方氏熊方氏
薰董氏肇鏜諸先生校錄共約十餘種惜皆未經付刷自明迄今又二百餘
年之久求其原稿渺矣無聞余因留心採訪偏蒐各書積成十卷類凡四十
有奇其體例略仿郡邑志若范成大吳郡志宋敏求長安志雲間志新安志
寶慶會稽續志咸淳臨安志景定建康志以及至元嘉禾大德昌國金陵新
志之屬條例益詳皆稱善本明康海武功縣志韓邦靖朝邑縣志最爲有名
然過於高簡未可學步唯王鏊姑蘇志夏時正杭州府志煩簡得中近人之
志大抵疏漏蕪冗二者俱失余於文止書院備閱直隸江南浙江誌書惟陸
稼書靈壽志章學誠永清志張維祺大名志尹繼善江南通志稽曾筠浙江
通志毛奇齡蕭山縣志刊誤最有條理近得錢大昕鄞縣志孫星衍醴泉志
李兆洛鳳臺志陸慶循上海志例亦多可採今皆酌取其義焉